



Isalathiso: 20210910-5745  
Inombolo yefayili: 13/9/2  
Imibuzo: Z Isaacs

INGcaciso eMfutshane yeCandelo loLawulo lweeMviwo: 0012/2021

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela Balawuli, kwiiNgcali zeMfundo eziziiNtloko, kwiiNtloko zokuNika iNkxaso kwiKharityhulam, kuBacebisi ngeZifundo, kuBaphathi beeSekethe, kwiiNtloko zoLawulo nokuPhathwa kwamaZiko, kumaSekela eeNgcali zeMfundo eziziiNtloko, kwiiNtloko zokuNika iNkxaso kuBafundi, kuBaququzeleli beeMvavanyo neeMviwo nakwiiNtloko zamaziko alungiselela abaviwa iimviwo zeSatifikethi seMatriki sikaZwelonke

**Isihloko: IiMviwo zeSatifikethi seMatriki sikaZwelonke (National Senior Certificate) (NSC) zangoNovemba 2021: Ukuzaliswa kweemakhishithi ze-School-Based Assessment (SBA), eze-Practical Assessment Tasks (PATs) neze-Language Oral**

1. Le ngcaciso imfutshane mayifundwe kunye neSetyhula 0044/2021, yomhla we-20 Julayi 2021.
2. Kwimeko apho umzali/umnonopheli okanye ilungu losapho elityunjiweyo lalifake isicelo sokuxolelwa ngokupheleleyo okanye ngokungaphelelanga komfundi weBakala 12 ekuhambeni isikolo ngexesha lobume bentlekele yesizwe, umfundi kufuneka athobele yaye afezekise zonke iimfuno ezimiseliweyo zeSBA ngokubambisana nesikolo.
3. Ukunciphisa umthwalo wezolawulo kootitshala, kwenziwe izilungiso kwiirekhodishithi zezifundo zeBakala 12 zekhompyutha ukulungiselela izilungiso zeSBA.
4. Izikolo mazizalise iirekhodishithi zezifundo zeBakala 12 kwikhompyutha (*electronic subject record sheets*) ukulungiselela bonke abafundi abasisigxina nabafundi abangesosigxina (*full-time and part-time learners*) ezifumanekayo ukwenzela ukuba zikotshelwe (*download*) kwisistim iCEMIS. Ukuba kwakucelwe izilungiso zezifundo sisikolo ngo-Agasti 2021, kubalulekile ukuba kukotshwe (*download*) iirekhodishithi zezifundo ezilungisiweyo kwisistim i-CEMIS.

5. **Ukungeniswa kweerekhodishithi nedatha yekhompuyutha yezifundo (*subject record sheets and electronic data*)**
- 5.1 **Inkqubo emayilandelwe xa kukotshelwa, yaye kuveliswa (*generating*) iirekhodishithi zezifundo kunye nokuzaliswa kweenguqulelo ezikwikhompuyutha ukwenzela ukungeniswa kwamanqaku eSBA, ePAT nawe-Orali yolwimi**
- 5.1.1 Iirekhodishithi zezifundo zeBakala 12 neefayili zedatha zikwisistim i-CEMIS phantsi kwemenyu: *Reports* → *Recording Sheets* → *Grade 12 Download*.
- 5.1.2 Inkqubo yokukopela iirekhodishithi zezifundo zeBakala 12 iyafana naleyo yamaBakala 8-9 (makujongwe kwi-**Grade 12 Help file** efumaneka kwisistim iCEMIS, kanye ngezantsi kwemenyu echazwe ngentla).
- 5.1.3 Zisakuba zikotshelwe zonke iifayili zezifundo neefayili zedatha yaye kwaveliswa neerekhodishithi zezifundo, zinokwenziwa zifumaneka kootitshala ukulungiselela ukufakwa kwamanqaku kwisistim.
- 5.1.4 Izifundo ezilawulwa yiBhodi yeeMviwo eziMeleyo (*Independent Examination Board*) aziyi kuba neerekhodishithi zezifundo ezikwikhompuyutha ezifumanekayo ukulungiselela ukukotshelwa kwazo ngo-2021. Ezi zifundo ziya kulawulwa ngenkqubo eqhelekileyo yeemakhishithi eziprintiweyo.
- 5.2 **Ukufakwa kwamanqaku kwiirekhodishithi**
- 5.2.1 Irekhodishithi zezifundo eBakala 12 zenziwe ngokungqinelana **nesiHlomelo A** seSetyhula S10 yeSebe leMfundo esiSiseko (ISebe iDBE), yowe-28 Meyi 2021 (ekubhekiswa kuyo kwiSetyhula 0044/2021 yomhla we-20 Julayi 2021).
- 5.2.2 Inguqulelo (*version*) yesi-2 yeerekhodishithi zezifundo ibisele ifumaneka kwi-CEMIS ukususela ekuqaleni kweKota 3. Akukho kufakwa kwamanqaku kufunekayo njengoko idatha ekhoyo inokuthathwa (*imported*) ukusiwa kwinguqulelo entsha
- 5.3 **Amanqaku angekafakwa eSBA, ePAT nawe-Orali yolwimi**
- 5.3.1 Iirekhodishithi zezifundo zeBakala 12 zinomsebenzi ofana noweprogram yokurekhoda nokwenza iripoti kumaBakala 8-9 ezinezalathi (*indicators*) ukulungiselela iintlobo ezahlukeneyo zokungabikho esikolweni (*absenteeism*). Inqaku okanye isalathi **kufuneka sinikwe umfundi ngamnye ogama lakhe livelayo kwirekhodishithi zezifundo.**
- 5.3.2 Iirekhodishithi zezifundo zeBakala 12 zilungiselela **ukungabikho esikolweni ngokusemthethweni nangokungekho mthethweni (*valid and invalid absenteeism*)**. Ukungqinisiswa kwedatha kuya kuqinisekisa ukuba kuphela ngamanqaku aphakathi ko-zero ("0") namanqaku angawona maninzi avumelekileyo OKANYE nazo naziphi

na iindidi ezingezantsi zinokufakwa ekhompnyutheni. Makuchwethezwe unobumba wokuqala/oonobumba bokuqala xa kuboniswa ukungabikho esikolweni (*absenteeism*) (makujongwe le theyibhile ingezantsi) ezifakwa kwikhompnyutha.

<b>Makufakwe kwikhompnyutha</b>	<b>Makuboniswe</b>	<b>Isizathu</b>
<b>a okanye u-ab</b>	<b>A: Abs</b>	Ngako nakuphi na ukungabikho esikolweni ngesizathu esibambekayo ( <i>Abs. Valid</i> )
<b>u-e okanye u-exit</b>	<b>A: Exit</b>	Ngomfundi okhutshiweyo kwiincwadi zesikolo
<b>u-n okanye u-new</b>	<b>A: New</b>	Ngomfundi omtsha ongenawo nawaphi amanqaku angaphambili
<b>u-x okanye u-X</b>	<b>X: Abs</b>	Ngako nakuphi na ukungabikho esikolweni ngaphandle kwesizathu esibambekayo ( <i>Abs. Invalid</i> )
<b>u-i okanye u-irr</b>	<b>X: Irr</b>	Ukuba amanqaku abanjiwe ngenxa yesitenxo ( <i>irregularity</i> )

5.3.3 Kwiimeko apho kufakwe ukungabikho esikolweni ngesizathu esibambekayo (**A: Abs**) ekhompnyutheni, kuya kubalwa ngokuzenzekelayo amanqaku eSBA, ePAT nawe-Orali yoLwimi. Apho kufakwe ukungabikho esikolweni ngesizathu esingabambekiyo (*invalid absence*) (**X: Abs**) ekhompnyutheni, umfundi uya kunikwa u-zero ("0") ukulungiselela loo msebenzi (oku kuquka nemeko apho kufakwe **u-X: Irr** kwikhompnyutha). Apho umfundi avelayo kwirekhodishithi yezifundo, kodwa abe ekhutshiwe kwiincwadi zesikolo, makufakwe kwikhompnyutha **u-A: Exit** kuyo yonke imisebenzi eshiyekileyo. Isiphumo siya kubonisa **u-Exit** kwirekhodishithi yezifundo ukulungiselela olu didi. Izikolo mazingenise ubungqina bokuba umviwa ukhutshiwe kwiincwadi zesikolo.

#### 5.4. Abafundi abangaveliyo kwiirekhodishithi

5.4.1 **Zonke izilungiso zezifundo ziya kuthathwa njengezitenxo.** Makufakwe kwikhompnyutha **u-A: Exit** ngayo yonke imisebenzi yesifundo esingafundwayo ngumfundi yaye kungeniswe inkcazelo yezizathu ezibubungqina (iripoti yeBakala 11 okanye yeKota 1 yeBakala 12) kunye nefom **yesiHlomelo A** ezalisweyo. Isigqibo esimalunga neziphumo zomfundi siya kuthathwa yiNtloko yeSebe leMfundo.

5.4.2 Imanyuwali yesiqhelo yokuzaliswa **kwesiHlomelo A** (eqhotyoshelwe kule ngcaciso imfutshane) iya kusebenza kuzo ZONKE iimeko ezikolu didi. lifom **zesiHlomelo A** mazingeniswe kumcebisi ngezifundo.

5.4.3 lifom **zesiHlomelo A** aziyi kwamkelwa liCandelo loLawulo lweeMviwo ngaphandle kokuba zisayinwe ngutitshala, yinqununu nangumcebisi ngezifundo.

5.4.4 Abaququzeleli bovavanyo neemviwo mabaqinisekise ukuba iifom **zesiHlomelo A** ezizalisweyo zifika kwiCandelo loLawulo lweeMviwo ungadlulanga owe-**29 Oktobha 2021**.

5.4.5 Abaququzeleli bovavanyo nabacebisi bezifundo mababeke esweni ukuthotyelwa kwemigaqo yokuzaliswa kweerekhodishithi ngokuqala kugqithwe kwiingxelo ze-*EduInfoSearch*.

## 5.5 **Inkqubo yokufakwa ngekhompyutha kwamanqaku eSBA okuphela konyaka**

5.5.1 Inkqubo elandelwayo ifana naleyo yokungeniswa kwedatha yenkqubo yekota yamaBakala 8-9 (makujongwe i-**Grade 12 Moderation Process Guide** efumaneka kwisistim iCEMIS ukufumana iinkcukacha ezingaphezulu).

5.5.2 Makuveliswe i-*Export text file* ngesifundo ngasinye ngoxwebhu lweerekhodi zesifundo ngasinye asakuba efakwe kwikhompyutha **ONKE** amanqaku eSBA ebakala liphela. I-*text file* iya kuba kwisabhufolda i-*“Export”* kwindawo efanayo (*same location*) nalapho ifayili iseyivwe khona.

5.5.3 Ii-*export text files* zesifundo ngasinye mazikotshelwe (*uploaded*) **yaye zisayinelwe yinqununu** ngokuqala kudlulwe kwistim iCEMIS.

## 5.6 **Inkqubo yokungeniswa kwikhompyutha kwamanqaku e-/PAT/e-Orali yoLwimi**

5.6.1 Isikolo sinokuthatha (*export*) yaye sikopele amanqaku akuba amanqaku ePAT/e-Orali yoLwimi efakiwe kwikhompyutha.

5.6.2 I-*export text file* mayiveliswe (*generated*) ukwenzela irekhodishithi yesifundo ngasinye akuba **ONKE** amanqaku ePAT/e-Orali yoLwimi ebakala lonke efakiwe kwikhompyutha. I-*text file* iya kuba kwi-*“Export” subfolder* kwindawo enye apho ifayili ibiseyivwe khona

5.6.3 Ii-*export text files* zesifundo ngasinye ke ngoko mazifakwe (*uploaded*) **sisayinelwe yinqununu** ngokuqala kugqithwe kwi-CEMIS.

## 5.7 **Isikolo masigcine iikopi zekhompyutha zeerekhodoshithi zezifundo zika-Excel ukulungiselela injongo zophicotho-zincwadi.**

## 5.8 **Inkqubo yekhompyutha yokufakwa kwisistim kwamanqaku amodareyithiweyo eSBA, ePAT nawe-Orali yoLwimi**

5.8.1 Isakuba igqityiwe inkqubo yokumodareyitha ngumcebisi ngezifundo, amanqaku amodareyithiweyo okuphela konyaka aya kufakwa kwikhompyutha ngumcebisi ngesifundo ngokuqala kudlulwe kwi-*EduInfoSearch (EIS)*.

5.8.2 Ngoko nangoko akuwafaka umcebisi ngezifundo ekhompyutheni amanqaku amodareyithiweyo wayisayinela nenkqubo, akukho kukotshelwa (*uploads*) kumbi kuya kuvumeleka okwenziwa sisikolo.

5.8.3 Isikolo siya kukwazi ukujonga amanqaku okuphela konyaka eSBA/ePAT/amanqaku e-Orali yoLwimi namodareyithiweyo esifundo ngasinye ngokuqala sidlule kwisistim iCEMIS.

## 6. Iimakhishithi eziprintiweyo zeemvavanyo ze-IEB nezifundo zepraktikhali

6.1 Iimakhishithi eziprintiweyo zezifundo ze-IEB ziya kusiwa ezikolweni ungadlulanga owe-**04 Oktobha 2021**.

6.2 Iimakhishithi zeemviwo zepraktikhali kwezi zifundo zilandelayo ziya kuthunyelwa ezikolweni kodwa ziya kusiwa ngqo kubacwangcisi bekharityhulam abakhulu kwaNdlunkulu:

- *Dance Studies*
- *Design*
- *Dramatic Arts*
- *Visual Arts*
- *Music*

### 6.3 Ukufunyanwa kweemakhishithi eziprintiweyo

6.3.1 Zisakuba zifunyenwe iimakhishithi zeekopi eziprintiweyo, iinqununu maziqinisekise ukuba zifunyenwe zonke iimakhishithi zezifundo ezifunekayo kwizikolo zazo, ekubhalwe kuzo abaviwa ngesifundo ngasinye.

6.3.2 Kuphela yikopi enye yemakhishithi eprintiweyo ekuya kubonelelwa ngayo ukuba mayizaliswe. Ke ngoko, kubalulekile gqitha, ukuba ikopi zeemakhishithi zenziwe sisikolo nangabacebisi ngezifundo emva kokumodareyithwa kwazo yaye mazigcinwe kwisikolo nakwisithili ukulungiselela iinjongo zeerekhodi.

6.3.3 Maziqinisekise izikolo ukuba iimakhishithi eziprintiweyo ziyazaliswa yaye zenziwe zifumaneke kubacebisi ngezifundo ngosuku lokumodareyithwa kwazo. Ootitshala bezifundo mabazalise kuphela **amanqaku angamodareyithwayo** kwikholam ebhalwe "Mark".

6.3.4 Kuphela kusemva kokumodareyithwa kokuphela konyaka kwesifundo ngasinye, apho kuya kukhutshelwa amanqaku amodareyithiweyo ngokuchanekileyo kwikholam ebhalwe "Mod" kwimakhishithi yeSBA ngabacebisi ngezifundo.

6.3.5 Ukuba isikolo sifumana kuphela iimakhishithi eziprintiweyo emva kokuba igqityiwe inkqubo yokumodareyithwa kwazo, makwenziwe amalungiselelo ayimfuneko nabacebisi ngezifundo ukulungiselela ukuzaliswa nokusayinelwa kweemakhishithi.

6.3.6 **Kufuneka** kunikwe amanqaku umviwa ngamnye onombolo yoviwo yakhe ivelayo kwimakhishithi.

6.4 **Amanqaku angafakwanga eSBA, ePAT nawe-Language Oral (abaviwa abebengekho nabo bangenamanqaku eSBA, e-PAT nawe-Language Oral)**

6.4.1 Ukuba umfundi akayifakanga **ikhomponenti enye okanye ezingaphezulu** zeSBA, zePAT okanye eze-Orali yoLwimi apha enyakeni, yaye kunikwe **izizathu ezibambekayo** zoko, umfundi makanikwe elinye ithuba lokuvavanywa kwimisebenzi ayinikiweyo okanye makangenise umsebenzi ongafakwanga phambi kokuqala kweemviwo zokuphela konyaka zokugqibela **ungadlulanga owe-29 Oktobha 2021**.

6.4.2 **“Isizathu esibambekayo”** kule meko siquka oku kulandelayo:

- Ukugula, okuxhaswa liphepha likagqirha elisemthethweni, esikhutshwe ligosa lezonyango elibhalisiweyo (*registered medical practitioner*);
- Izizathu ezikhatshwa luvelwano lobuntu, ezinjengokusweleka kwelungu losapho elisondeleyo kumviwa okuxhaswa sisatifikethi sokusweleka.
- Umfundi oya kuvela enkundleni yamatyala, yaye oko makuxhaswe bubungqina obubhaliweyo; okanye
- Nasiphi na esinye isizathu esinokwamkelwa njengesizathu esisemthethweni yintloko yovavanyo okanye ngummeli wayo.

6.4.3 Ubungqina bezo zizathu zibambekayo mabufakwe kubungqina bendlela umfundi aqhuba ngayo ngethuba leeseshoni zokumodareyitha.

6.5 **Makugxininiswe oku kulandelayo malunga nokuzaliswa kweemakhishithi**

6.5.1 Apho umviwa engazange agqibe **nayiphi na imisebenzi kwaphela**, kodwa enike **izizathu ezibambekayo**, ubungqina besizathu esibambekayo (besizathu ezibambekayo) mabunikwe abacebisi ngezifundo kwiseshoni yokumodareyitha.

6.5.2 **Okuthethwa kukungabikho komfundi ngenxa yesizathu esibambekayo**

- Umviwa uya kufumana **isiphumo esingaphelelanga** nkqu nokuba uwabhalile amanye amaphepha oviwo.
- Umviwa uya kunikwa **kude kube ngowe-15 Matshi 2022** ukuba angenise amanqaku eSBA kunye/okanye awePAT/awe-Orali yoLwimi. Ezi ziphumo mazingeniswe ngabacebisi ngezifundo kwiCandelo loLawulo lweemviwo ungadlulanga **owe-31 Matshi 2022**. Ukungawangenisi amanqaku angafakwanga eSBA, ePAT kunye/okanye nawe-Orali yoLwimi lingadlulanga ixesha elisikiweyo kuya kuba nesiphumo sokuba umviwa asiphinde isifundo siphela.

## 6.6 Umsebenzi oluxanduva lweenqununu

Iinqununu maziqinisekise ukuba bonke abaviwa beNSC abakwizikolo zabo bawanikiwe amanqaku afunekayo eSBA, ePAT nawe-Orali yoLwimi.

## 6.7 Umsebenzi oluxanduva lwabacebisi ngezifundo malunga nokumodareyithwa kweemakhishithi

6.7.1 Abacebisi ngezifundo bathwele uxanduva ngokupheleleyo lwenkqubo yokumodareyithwa kweekhomponenti zeSBA, ezePAT nezeLanguage Oral kwakunye nokuqinisekisa ukuthotyelwa kwemiqathango malunga nokumodareyithwa kwikhompyutha, ukuzaliswa kweemakhishithi eziprintiweyo namanqaku angafakwanga.

6.7.2 Iimakhishithi okanye iifom **zesiHlomelo A aziyi kwamkeleka** kwiCandelo loLawulo lweeMviwo ngaphandle kokuba zisayinwe ngutitshala, yinqununu nangumcebisi ngezifundo.

## 6.8 Umhla wokugqitywa kwenkqubo

Abaququzeleli bovavanyo neemviwo mabaqinisekise ukuba igqityiwe inkqubo yokungeniswa kwikhompyutha nangeekopi eziprintiweyo kwamanqaku eSBA/ePAT/nawe-Orali yoLwimi ba ungadlulanga owe-**29 Oktobha 2021**.

7. Kucelwa iinqununu ukuba zinike zonke iintloko zezifundo/abaququzeleli nootitshala beBakala 12, ikopi yale ngcaciso imfutshane.

**ISAYINWE:** NGU-H MAHOMED

**USEKELA MLAWULI-JIKELELE WOLAWULO LWEKHARITYHULAM NOVAVANYO**

**UMHLA:** 2021-09-14